



Bužim Ul.505.Vbbr.26 Tel.+387 37 419500 Fax.+387 37 410031 e-mail: opcbuzim@bih.net.ba
Broj: 02-04-2042/25
Bužim, 17.6./25 godine.

Na osnovu člana 10c. stav (5) i člana 18. stav 2. Zakona o javnim nabavkama Bosne i Hercegovine ("Službeni glasnik BiH", broj: 39/14., 59/22 i 50/24) u daljem tekstu Zakon, člana 123. Statuta Općine Bužim (Službeni glasnik Općine Bužim, broj: 12/15) Općinski načelnik Općine Bužim donosi:

O D L U K U
o izuzeću od primjene Zakona o javnim nabavkama BiH

Član 1.

Od primjene Zakona o javnim nabavkama izuzima se nabavke matičnih knjiga i ostalih obrazaca, u skladu sa članom 10c. stav (5) Zakona.

Član 2

Procijenjena vrijednost roba iz člana 1 ove Odluke (bez uključenog PDV-a) je 4.527,00 KM.

Član 3.

Sredstva su planirana u Budžetu Općine Bužim ,potrošačka jedinica Služba za opću upravu i društvene djelatnosti , ostali materijali za posebne namjene ekonomski kod 613480.

Član 4.

Općinski načelnik će putem sekretara javnih nabavki u skladu sa članom 10. stav (3) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki (Službeni glasnik Bosne i Hercegovine, broj:80/20) u roku od 30 dana od dana zaključenja ugovora ili ispostavljanja računa unijeti izvještaj na Portal javnih nabavki BiH.

Član 5.

Ova odluka stupa na snagu danom donošenja i bit će objavljena na web stranici Općine Bužim.

Obrazloženje

Na osnovu zahtjeva Službe za opću upravu i društvene djelatnosti za hitnom nabavkom obrazaca za potrebe Matičnog ureda Općine Bužim i zaključenog Ugovora o isporuci obrazaca matičnih knjiga, obrazaca izvoda iz matičnih knjiga, uvjerenja o državljanstvu i vjenčanih listova broj: 02-10-1850/25 predložena je Odluka o izuzeću. Članom 18. stav (2) Zakona o javnim nabavkama Bosne i Hercegovine propisano je da je u slučaju izuzeća od primjene Zakona o javnim nabavkama BiH ugovorni organ dužan donijeti odluku koja osim zakonske osnove za izuzeće od primjene ovog zakona, sadrži osnovne elemente iz naprijed navedenog člana 18. stav (1) tačke b) , c) i d).

Članom 10c, stav (5) Zakona propisana su izuzeća od primjene odredbi Zakona o javnim nabavkama, gdje je definisano:

„85) Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovorom se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;
- b) ta saradnja uspostavljena isključivo na osnovu potreba vezanih uz javni interes;
- c) ti ugovorni organi ostvaruju na otvorenom tržištu manje od 20% djelatnosti na koje se odnosi saradnja.

Predmetna roba se može nabaviti isključivo od Federalnog ministarstva unutrašnjih poslova, u skladu sa odredbama Zakona o matičnim knjigama i podzakonskim propisima za predmetnu oblast.

Vlada Federacije Bosne i Hercegovine je na 42. sjednici održanoj dana 16.10.2024 godine donijela Odluku o utvrđivanju cijene matičnih knjiga, izvoda iz matičnih knjiga, uvjerenja o državljanstvu i vjenčanog lista, V.broj 1571/2024 od 16.10.2024 godine. Za realizaciju ove odluke zaduženo je Federalno ministarstvo unutrašnjih poslova.

Kako je predmet nabavke roba koja se može obezbjediti od Federalnog ministarstva unutrašnjih poslova, utvrđeno je da su ispunjeni svi propisani uslovi: ugovorom se ostvaruje saradnja između subjekata u javnom sektoru (Općina Bužim i Federalno ministarstvo unutrašnjih poslova) s ciljem osiguravanja javnih usluga koje se pružaju radi ostvarenja njihovih zajedničkih ciljeva; saradnja je uspostavljena isključivo na osnovu potreba vezanih za javni interes; ugovorni organi ostvaruju na otvorenom tržištu manje od 20% djelatnosti na koje se odnosi saradnja.

Sa Federalnim ministarstvom unutrašnjih poslova zaključen je ugovor za čije praćenje i realizaciju je zadužena služba za opću upravu i društvene djelatnosti, koja će dostavljati podatke službeniku za javne nabavke radi prijave u sistem e-nabavke.

U skladu sa članom 18. stav (1) i (2), a u vezi sa članom 10c. stav (5) Zakona kojim su propisana izuzeća od primjene Zakona o javnim nabavkama, utvrđeno je da su ispunjene pretpostavke za donošenje ove Odluke.

Cijeneći prethodno navedeno Općinski načelnik je donio Odluku kao u dispozitivu.

Obradivač: Elvira Muratović

Dostaviti :

1. Služba 02/4 i 02/2
2. Službena web stranica Općine Bužim
3. a/a

